



*Komisija za Statut i akte*

Broj: 04-GV-04-824/21  
Sarajevo, 19.07.2021. godine

**ZAPISNIK O RADU**  
**DEVETE SJEDNICE KOMISIJE ZA STATUT I AKTE**  
**GRADSKOG VIJEĆA GRADA SARAJEVA**  
*održane 19.07.2021. godine*

Prisutni:

1. Toni Vukadin, predsjedavajući
2. Dženan Tikveša, zamjenik predsjedavajućeg
3. Nihad Uk, član
4. Muamer Mekić, član
5. Bajro Biber, član
6. Vedad Deljković, po ovlaštenju umjesto Alme Čengić, članice
7. Selvira Vilić, članica
8. Drago Jurić, član
9. Vedran Dodik, član

Sjednici iz Gradske službe za Gradsko vijeće prisustvuju:

- Mila Eminović Rizvanović, sekretar Gradskog vijeće Grada Sarajeva
- Zinaida Beširević, šef Odsjeka za stručne poslove

Sjednici po ovlaštenju Gradonačelnice, prisustvuje:

- Meliha Olovčić, pomoćnica Gradonačelnice za opću upravu i zajedničke poslove

Predsjedavajući je otvorio u 08.40 sati, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i usvajanjem Zapisnika o radu Osme sjednice Komisije za Statut i akte održane 14.07.2021. godine sa sedam glasova „za“ i jednim „suzdržanim“ glasom.

Na prijedlog predsjedavajućeg, Komisija za Statut i akte je jednoglasno usvojila sljedeći **dnevni red**:

1. Mišljenje o Prijedlogu Odluke o imenovanju vršioca dužnosti predsjednika i članova Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.), na period od 3 (tri) mjeseca
2. Mišljenje o Prijedlogu Odluke o razrješenju predsjednika i članova Skupštine Javnog preduzeća „Olimpijski bazen Otoka“ d.o.o. Sarajevo
3. Mišljenje o Prijedlogu Odluke o imenovanju vršioca dužnosti predsjednika i članova Skupštine Javnog preduzeća „Olimpijski bazen Otoka“ d.o.o. na period od 3 (tri) mjeseca
4. Tekuća pitanja



## TAČKA 1.

*Mišljenje o Prijedlogu Odluke o imenovanju vršioca dužnosti predsjednika i članova Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.), na period od 3 (tri) mjeseca*

Na prijedlog predsjedavajućeg, Komisija za Statut i akte je jednoglasno usvojila sljedeći **zaključak**:  
Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o imenovanju vršioca dužnosti predsjednika i članova Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.), na period od 3 (tri) mjeseca.*

Na prijedlog predsjedavajućeg, Komisija za Statut i akte je sa sedam glasova „za“ i jednim „suzdržanim“ glasom usvojila sljedeći **zaključak**:

Komisija za Statut i akte konstatuje da nije zaprimila biografije predloženih kandidata, stoga ne može utvrditi da li isti ispunjavaju uslove, te je potrebno da Predlagač na sjednici upozna Gradsko vijeće Grada Sarajeva da li predloženi kandidati ispunjavaju uslove.

## TAČKA 2.

*Mišljenje o Prijedlogu Odluke o razrješenju predsjednika i članova Skupštine Javnog preduzeća „Olimpijski bazen Otoka“ d.o.o. Sarajevo*

Bajro Biber, član Komisije je pristupio radu u 8.48 sati.

U raspravi su učestvovali svi članovi Komisije.

Nakon rasprave, predsjedavajući Komisije je predložio sljedeći **zaključak**:

Komisija za Statut i akte predlaže da se u Odluci o razrješenju predsjednika i članova Skupštine Javnog preduzeća „Olimpijski bazen Otoka“ d.o.o. Sarajevo izmijeni preambula tako da glasi: „Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 - prečišćeni tekst), a u vezi sa članom 6. Zakona o javnim preduzećima u Federaciji Bosne i Hercegovine („Službene novine Federacije Bosne i Hercegovine“, br. 8/05, 81/08, 22/09 i 109/12), člana 9. Odluke o proceduri, uslovima i standardima imenovanja članova Skupštine javnih preduzeća čiji je osnivač Grad Sarajevo („Službene novine Kantona Sarajevo“, broj 27/21) i člana 21. Statuta Javnog preduzeća „Olimpijski bazen Otoka“ d.o.o. Sarajevo, broj: 01-1-1393/18 od 22.11.2018. godine.“, te da se u članu 1. Odluke iza riječi: „razrješavaju se dužnosti sa“ dodaju riječi: „danom stupanja na snagu ove odluke.“

Predsjedavajući Komisije je prekinuo sjednicu, pozvao predstavnicu Predlagača da koriguje *Prijedlog Odluke o razrješenju predsjednika i članova Skupštine Javnog preduzeća „Olimpijski bazen Otoka“ d.o.o. Sarajevo*, te su se članovi Komisije saglasili da će se sjednica nastaviti u pauzi pred početak Četvrte sjednice Gradskog vijeća Grada Sarajeva.

Nastavak Devete sjednice Komisije za Statut i akte počeo je u 10.20 sati.

Nastavku sjednice prisustvuju:

1. Toni Vukadin, predsjedavajući
2. Dženan Tikveša, zamjenik predsjedavajućeg
3. Nihad Uk, član
4. Muamer Mekić, član
5. Bajro Biber, član
6. Vedad Deljković, po ovlaštenju umjesto Alme Čengić, članice
7. Selvira Vilić, članica
8. Drago Jurić, član
9. Vedran Dodik, član

Sjednici iz Gradske službe za Gradsko vijeće prisustvuju:

- Mila Eminović Rizvanović, sekretar Gradskog vijeće Grada Sarajeva
- Zinaida Beširević, šef Odsjeka za stručne poslove

Sjednici po ovlaštenju Gradonačelnice, prisustvuje:

Meliha Olovčić, pomoćnica Gradonačelnice za opću upravu i zajedničke poslove

Nakon rasprave na prijedlog predsjedavajućeg, Komisija za Statut i akte je sa osam glasova „za“ i jedan član Komisije se nije izjasnio, usvojila sljedeći **zaključak**:

Komisija za Statut i akte predlaže da se u *Prijedlogu Odluke o razrješenju predsjednika i članova Skupštine Javnog preduzeća „Olimpijski bazen Otoka“ d.o.o. Sarajevo, dostavljenoj aktom broj: 01/04-04-4155-4 od 19.07.2021. godine* u preambuli doda član 21. Statuta Javnog preduzeća „Olimpijski bazen Otoka“ d.o.o. Sarajevo, broj: 01-1-1393/18 od 22.11.2018. godine, te konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o razrješenju predsjednika i članova Skupštine Javnog preduzeća „Olimpijski bazen Otoka“ d.o.o. Sarajevo.*

### **TAČKA 3.**

*Mišljenje o Prijedlogu Odluke o imenovanju vršioca dužnosti predsjednika i članova Skupštine Javnog preduzeća „Olimpijski bazen Otoka“ d.o.o. na period od 3 (tri) mjeseca*

Nakon rasprave na prijedlog predsjedavajućeg, Komisija za Statut i akte je sa osam glasova „za“ i jedan član Komisije se nije izjasnio, usvojila sljedeći **zaključak**:

Komisija za Statut i akte predlaže da se u *Prijedlogu Odluke o imenovanju vršioca dužnosti predsjednika i članova Skupštine Javnog preduzeća „Olimpijski bazen Otoka“ d.o.o. na period od 3 (tri) mjeseca, dostavljenoj aktom broj: 01/04-04-4155-4 od 19.07.2021. godine* u preambuli briše član 21. Statuta Javnog preduzeća „Olimpijski bazen Otoka“ d.o.o. Sarajevo, broj: 01-1-1393/18 od 22.11.2018. godine, te konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o imenovanju vršioca dužnosti predsjednika i članova Skupštine Javnog preduzeća „Olimpijski bazen Otoka“ d.o.o. na period od 3 (tri) mjeseca.*

*TAČKA 4.*  
*Tekuća pitanja*

Pod ovom tačkom dnevnog reda nije bilo zaključaka.

*PREDSJEDAVAJUĆI KOMISIJE*

*Toni Vukadin, s.r.*

Predsjedavajući Komisije je u 10.50 sati zaključio rad Devete sjednice Komisije za Statut i akte Gradskog vijeća Grada Sarajeva.